

**UDRUŽENJE PRIVATNIH  
PREDŠKOLSKIH USTANOVA  
KANTONA SARAJEVO**

Na osnovu člana 12 Zakona o udruženjima i fondacijama (Sl. novine Federacije Bosne i Hercegovine broj 45/02), Skupština na svojoj sjednici održanoj 11.02.2008 godine donosi:

**STATUT**

**UVODNE ODREDBE**

član 1

1. Ovim Statutom se utvrđuje:
  1. naziv, sjedište i područje djelovanja udruženja,
  2. djelatnost udruženja,
  3. svrha i programski ciljevi udruženja,
  4. uvjeti i način učlanjenja u udruženje,
  5. prestanak članstva u udruženju,
  6. dužnosti, obaveze i odgovornosti članova udruženja,
  7. način upravljanja, izbor rukovodstva i zastupanje udruženja,
  8. organizacioni dijelovi udruženja,
  9. pečati i logotip udruženja,
  10. način sticanja korištenja i raspolaganja sredstvima udruženja,
  11. višak i manjak u poslovanju udruženja,
  12. opši akti udruženja,
  13. janost rada udruženja,
  14. zastupanje i predstavljanje udruženja,
  15. prelazne i završne odredbe udruženja.

**1. NAZIV I SJEDIŠTE UDRUŽENJA**

član 2

1. Puni naziv udruženja glasi: UDRUŽENJE PRIVATNIH PREDŠKOLSKIH USTANOVA KANTONA SARAJEVO – SARAJEVO (u daljem tekstu: Udruženje)

član 3

1. Skraćeni naziv Udruženja glasi: UDRUŽENJE PPU KANTONA SARAJEVO: Udruženje)

član 4

1. Sjedište Udruženja je u Sarajevu u Ulici Anđelka Lažetića broj 38 - Hadžići.

član 5

1. Puni naziv Udruženja se obavezno nalazi:
  - 1.1. na pečatim Udruženja,
  - 1.2. na svim dokumentima, aktima i drugim spisima u zaglavlju ili na drugom mjestu, po Odluci rukovodnog organa, a koji se zvanično šalju drugim pravnim i fizičkim licima,
  - 1.3. na ulazima u poslovne i drugim prostorije Udruženja.

član 6

1. Saglasnost za upotrebu naziva Udruženja izdaje Skupština udruženja.

član 7

1. Naziv je prepoznatljivo ime Udruženja.
2. Naziv Udruženja je zabranjeno koristiti u svrhe koji nisu u skladu sa ovim Statutom, drugim aktima, kao i pozitivnim Zakonskim propisima.

**UDRUŽENJE PRIVATNIH  
PREDŠKOLSKIH USTANOVA  
KANTONA SARAJEVO**

**2. DJELATNOST UDRUŽENJA**

član 8

1. Udruženje je strukovno udruženje koje se bavi unaprijeđenjem i usavršavanjem privatnog sektora u predškolskom odgoju i obrazovanju kao i razvojem predškolske teorije i prakse, te okuplja uposlenike u istim i druga lica koja se teoreski i praktično bave odgojem, obrazovanjem i razvojem predškolske djece:

91.1291.120 Djelatnosti strukovnih udruženja

**3. SVRHA I PROGRAMSKI CILJEVI UDRUŽENJA**

član 9

1. Udruženje putem svojih tijela ostvaruje slijedeće programske ciljeve i zadatke:
  - 1.1. Stvara uvjete koji će doprinijeti da privatni sektor u predškolskom odgoju i obrazovanju zauzme mjesto koje mu pripada u skladu sa pozitivnim zakonskim propisima.
  - 1.2. Djeluje, utiče i pomaže na organizovanje privatnog sektora u predškolskom odgoju i obrazovanju kroz institucije sistema i bori se da članovi ovog udruženja imaju status koji imaju srodni ostali prosvjetari u demokratskim sredinama.
  - 1.3. Da saraduje sa stručnim , naučnim I drugim institucijama u zemlji I inostranstvu radi unaprijeđenja djelatnosti članova udruženja.
  - 1.4. da postiče i pokreće izdavanje svoga lista i časopisa iz oblasti djelatnosti svojih članova,
  - 1.5. Osigurava što bolje uvjete za rad svojim članovima.
  - 1.6. Posticanje i organiziranje učestovavanje svojim članova na kulturnim manifestacijama u zemlji i inostranstvu.
  - 1.7. Organizovanjem seminara, predavanja i drugih prigodnih načina radi kontinuirnog obrazovanja i edukacije svojih članova.
  - 1.8. Da štiti interese svojih članova i radi na poboljšavanju njihovog materijalnog i društvenog položaja,
  - 1.9. Kao i drugim ciljevima i zadacima koji doprinose razvoju privatnog sektora u predškolskom odgoju i obrazovanju na našim područjima.

**4. UVJETI I NAČIN UČLANJENJA U UDRUŽENJE**

član 10

1. Udruženje je otvoreno za sve registrirane predškolske ustanove Kantona Sarajevo i njihove poslodavce i uposlenike, kao i druge osobe koji su indirektno vezani za segment predškolskog odgoja i obrazovanja pod uslovom da prihvataju ovaj Statut i proklamovane programske ciljeve Udruženja.

član 11

1. Član Udruženja može biti:
  - 1.1. redovni član
  - 1.2. počasni član.
2. Redovni član Udruženja (u daljem tekstu: član udruženja) je osoba:
  - 2.1. Koja se profesionalno bavi predškolskim odgojem i obrazovanjem u privatnom sektoru,
  - 2.2. Koja prema ličnoj izjavi pristupi Udruženju,
  - 2.3. Redovno izmiruje godišnju članarinu,
  - 2.4. I osoba na drugi način određen odlukom Skupštine.

**UDRUŽENJE PRIVATNIH  
PREDŠKOLSKIH USTANOVA  
KANTONA SARAJEVO**

3. Počasni član Udruženja je:
- 3.1. Osoba koje svojim radom i zalaganjem doprinosi realizaciji programskih aktivnosti i ciljeva Udruženja.
  - 3.2. Počasnog člana imenuje Skupština Udruženja.

**5. PRESTANAK ČLANSTVA U UDRUŽENJU**

član 12

1. Članstvo u Udruženju prestaje:
- 1.1. Na lični zahtjev,
  - 1.2. Ne pridržavanjem propisa ovog Statuta,
  - 1.3. Smrću,
  - 1.4. I na način određen odlukom Skupštine Udruženja.

**6. DUŽNOSTI, OBAVEZE I ODGOVORNOSTI ČLANOVA UDRUŽENJA**

član 13

1. Dužnosti, obaveze i odgovornosti članova Udruženja su:
- 1.1. Sudjelovati u radu i djelatnosti istog,
  - 1.2. Birati i biti biran u organe istog,
  - 1.3. Čuvati čast, dostojanstvo i ugled istog,
  - 1.4. Davati prijedloge i poticati rad istog,
  - 1.5. I ostalo što svojom odlukom odredi Skupština udruženja.

član 14

1. Ukoliko član Udruženja krši ovaj Statut i druge važeće akte Udruženja, izreći će mu se disciplinska mjera propisana ovim Statutom.
2. Disciplinsku mjeru u vidu Rješenja izriče rukovodni organ.
3. Disciplinske mjere su:
- 3.1. Pismena opomena,
  - 3.2. II pismena opomena pred isključenje,
  - 3.3. Isključenjem (koja mora biti u pismenoj formi)
4. Rješenje postaje pravosnažno po isteku prava na prigovor.

član 15

1. Član ima pravo prigovora na Rješenje nadležnom drugostepenom organu.
2. Prigovor se podnosi u roku ne dužem od sedam dana po primitku Rješenja nadležnog organa.
3. Prigovor se podnosi preporučenom pošiljkom.

član 16

1. Svi članovi su dužni i obavezni čuvati imovinu Udruženja.

član 17

1. Ukoliko član bude oštećen od drugog člana udruženja, isti ima pravo prigovora u roku od 72 sata.
2. Prigovor se podnosi u pismenoj formi nadležnom prvostepenom organu.
3. Prvostepeni organ je dužan u roku ne dužem od 7 dana odgovoriti na zahtjev podnosioca.
4. Ukoliko član ne bude zadovoljan odgovorom prvostepenog organa, isti ima pravo prigovora drugostepenom organu, u roku ne dužem od 15 dana od dana prijema istog.

**UDRUŽENJE PRIVATNIH  
PREDŠKOLSKIH USTANOVA  
KANTONA SARAJEVO**

član 18

1. Svi članovi dužni su se pridržavati osnovnih normi ponašanja, a u skladu sa Kodeksom i drugim važećim aktima.

**7. NAČIN UPRAVLJANJA, IZBOR RUKOVODSTVA I ZASTUPANJE UDRUŽENJA**

član 19

1. Organi Udruženja su:
  - 1.1. Skupština,
  - 1.2. Predsjednik
  - 1.3. Podpredsjednik,
  - 1.4. Nadzorni odbor,

**1. Skupština**

član 20

1. Najviši organ Udruženja je Skupština Udruženja (u daljem tekstu: Skupština).
2. Skupštinu čine svi članovi Udruženja
3. Sastanak Skupštine saziva i njom predsjedava Predsjednik skupštine.
4. Predsjednik skupštine se bira na sjednici Skupštine iz članstva Udruženja, a mandat istom traje 4 godine s mogućnošću produženja za još jedan mandat.
5. Redovna skupština se održava jednom godišnje.
6. Na zahtjev Predsjednika skupštine, Predsjednika Udruženja, Podpredsjednika udruženja, Predsjednika nadzornog odbora ili 20% redovnih članova Udruženja može se sazvati i vanredna skupština.

član 21

1. Na svom zasjedanju Skupština naročito:
  - 1.1. Na zahtjev organa rukovođenja ili na zahtjev najmanje 60% članova donosi, mjenja i dopunjuje Statut,
  - 1.2. Bira i razrješava Predsjednika Udruženja,
  - 1.3. Bira i razrješava Podpredsjednika Udruženja,
  - 1.4. Bira i razrješava Predsjednika Skupštine,
  - 1.5. Bira i razrješava članove Nadzornog odbora,
  - 1.6. Na prijedlog Predsjednika i Podpredsjednika udruženja odobrava godišnji plan prihoda i rashoda,
  - 1.7. Na prijedlog Predsjednika i Podpredsjednika udruženja raspoređuje neraspoređeni višak sredstava,
  - 1.8. Usvaja smjernice za rad Udruženja,
  - 1.9. Razmatra izještaje ostalih organa udruženja,
  - 1.10.1 Donosi odluku o prestanku rada Udruženja.

član 22

1. Skupština punovažno odlučuje ukoliko je na istoj prisutno najmanje 60% članova.
2. Skupština punovažno donosi odluke ukoliko nadpolovičnom većinom i to 50% plus 1 član, od prisutnih članova.

**1. Predsjednik**

član 23

1. Organ rukovođenja Udruženjem je Predsjednik.

**UDRUŽENJE PRIVATNIH  
PREDŠKOLSKIH USTANOVA  
KANTONA SARAJEVO**

član 24

1. Predsjednik Udruženja:
  - 1.1. Predstavljanja i zastupa Udruženje pred drugim fizičkim i pravnim licima sa ovlaštenjima propisanim ovim Statutom,
  - 1.2. Podnosi izvještaj o svom radu Skupštini,
  - 1.3. Vodi materijalno i finansijsko poslovanje Udruženja u cijelini,
  - 1.4. Vodi matičnu evidenciju članova Udruženja,
  - 1.5. Ovjerava sva javna dokumenta Udruženja,
  - 1.6. Predlaže akte Udruženja,
  - 1.7. Podnosi izvješće o radu Skupštini udruženja svako šest mjeseci,
  - 1.8. Donosi disciplinska Rješenja u funkciji prvostepenog organa,
  - 1.9. I ostalim poslovima od značaja za rad i funkcionisanje Udruženja, a koja gore nisu navedena.
2. Predsjednik Udruženja uz saglasnost Podpredsjednika udruženja vrši organizovanje i sistematizaciju rada menadžmenta Udruženja.

**2. Podpredsjednik**

član 25

1. Podpredsjednik udruženja mjenja Predsjednika udruženja u slučaju njegove spriječenosti u obavljanju povjerenih prava u svim poslovima.

član 26

1. Predsjednik i Podpredsjednik udruženja zajedno:
  - 1.1. Postiču osnivanje novih podružnica, sekcije, centare, predstavništva ili ogranaka,
  - 1.2. Imenuju komisije,
  - 1.3. Vode materijalno i finansijsko poslovanje Udruženja u cijelini,
  - 1.4. Razmatraju finansijska i druga izvješća,
  - 1.5. Formiraju prijedlog za Skupštinu u svezi godišnjeg plana prihoda i rashoda,
  - 1.6. Formiraju prijedlog za Skupštinu u svezi raspoređivanja neraspoređenog viška sredstava,
  - 1.7. Donosi godišnje planove i programe rada Udruženja,
  - 1.8. Donosi odluke i druge akte u cilju unaprijeđenja rada Udruženja,
  - 1.9. Predlažu dnevni red za Skupštinu,
  - 1.10. Podnose Skupštini izvještaj o svom radu i stanju u Udruženju,
  - 1.11. Izvršavaju zaključke Skupštine,
  - 1.12. Vode unutrašnju i vanjsku poslovnu politiku,
  - 1.13. Donose akte Udruženja,
  - 1.14. Razmatraju i donose Rješenja o prigovorima u funkciji drugostepenog organa,
  - 1.15. I ostalim poslovima koje odredi Skupština.

član 27

1. Odluke iz člana 27 ovog Stauta se donose konsenzusom.

**2. Nadzorni odbor**

član 28

1. Nadzorni odbor se sastoji od tri člana: predsjednika i dva člana.
2. Nadzorni odbor se bira na period od četiri godine, a može se još jednom izabrati.
3. Predsjednik nadzornog odbora može prisustvovati sjednicama Predsjednika i Podpredsjednika udruženja, ali bez prava glasa.
4. Članovi nadzornog odbora imaju pravo uvida u sva poslovna dokumenta Udruženja.
5. Članovi nadzornog odbora su članovi Skupštine Udruženja.

**UDRUŽENJE PRIVATNIH  
PREDSKOLSKIH USTANOVA  
KANTONA SARAJEVO**

6. Nadzorni odbor minimalno jedanput godišnje podnosi izvještaj o svom radu Skupštini.
7. Nadzorni odbor na zahtjev Predsjednika Udruženja, Podpredsjednika udruženja ili Predsjednika skupštine ili 60% članova Udruženja podnosi izvještaj o svom radu organu koji isti predstavljaju.

član 29

1. Nadzorni odbor vrši nadzor nad zakonitošću rada svih organa Udruženja.
2. Kontrolira rad svih uposlenika i korisnika usluga Udruženja
3. Pazi da se imovina Udruženja koristi prema pravilima i važećim aktima.

**8. ORGANIZACIJSKI DJELOVI**

član 30

1. Udruženje posluje kao cjelina, a može imati djelove, ogranke, klubove, sekcije, predstavništva i slično (u daljem tekstu: Dio udruženja) sa svim ovlaštenjima u pravnom prometu u ime i za račun Udruženja.
2. Odluku o osnivanju Djela udruženja na prijedlog Predsjednika i Podpredsjednika udruženja donosi Skupština Udruženja.
1. Dio udruženja se organizira u skladu sa društvenim uređenjem zemlje u kojoj djeluje Udruženje ili na drugi način određen odlukom Skupštine.

član 31

1. Djelom udruženja rukovodi lice po odluci Predsjednika udruženja.

**9. PEČATI I LOGOTIP UDRUŽENJA**

član 32

1. Udruženje ima dva pečata sa punim nazivom Udruženja.
2. Mali pečat je prečnika 2 cm
3. Veliki pečat je prečnika 3 cm
4. Udruženje ima jedan protokolarni pečat pravugaonog oblika.
5. Pravugaoni protokolarni pečat je standardnih dimenzija.
6. Pečat je ispisan latiničnim pismom na bošnjačkom jeziku.

član 33

1. Pravo upotrebe, obaveze i odgovornosti prema pečatu ima Predsjednik i Podpredsjednik Udruženja.

član 34

1. Pečat Udruženja se koristi za ovjeru svih dokumenta koja idu iz Udruženja prema drugim fizičkim i pravnim licima, kao i za internu upotrebu.

član 35

1. Udruženje ima logotip.
2. Logotip Udruženja je grb Kantona Sarajevo.
3. Izgled logotipa je jedinstven za sve organe Udruženja.

član 36

1. Logotip Udruženja se nalazi uz naziv Udruženja, a naročito:
  - 1.1. na pečatim Udruženja sem na protokolarnom,
  - 1.2. u zaglavlju na svim dokumentima koji se zvanično šalju drugim pravnim i fizičkim licima,
  - 1.3. na zidnim pločama koji se nalaze na ulazima u poslovne i druge objekte Udruženja.

**UDRUŽENJE PRIVATNIH  
PREDŠKOLSKIH USTANOVA  
KANTONA SARAJEVO**

član 37

1. Saglasnost za upotrebu logotipa izdaje Predsjednik Udruženja i drugo lice po ovlaštenju istog.

član 38

1. Logotip je zabranjeno koristiti u svrhe koji nisu u skladu sa ovim Statutom, drugim aktima, kao i pozitivnim Zakonskim propisima.

**10. NAČIN STICANJA, KORIŠTENJA I RASPOLAGANJA SREDSTVIMA UDRUŽENJA**

član 39

1. Udruženje stiče i raspolaže sredstvima:
  - a) od članarine,
  - b) od naknada za obavljanje intelektualnih, obrazovnih, kulturnih, uslužnih i drugih usluga,
  - c) iz budžeta društveno-političkih zajednica,
  - d) dotacija, subvencija drugih fizičkih i pravnih lica,
  - e) po osnovu kredita,
  - f) po osnovu pozajmica,
  - g) i iz drugih izvora u skladu sa Zakonom.

član 40

1. Sredstva Udruženje mogu se koristiti za unaprijeđenje ciljeva i zadataka Udruženja, kao i na osnovu Odluke Skupštine udruženja ukoliko je zasnovana na Zakonu i propisima ovog Statuta.

Član 41

1. Sredstva Udruženja se nalaze u blagajni i na računima kod poslovne banke.
2. Udruženje može imati otvoren i devizni račun kod poslovne banke.
3. Udruženje može imati otvorene račune u inozemstvu.

član 42

1. Udruženje može raspolagati gotovinom u blagajni.
2. Skupština određuje blagajnički maksimum u blagajni Udruženja.

član 43

1. Lice ovlašteno i odgovorno za raspolaganje sredstvima u blagajni udruženja je Predsjednik Udruženja.
2. Predsjednik Udruženja može ovlastiti drugo lice do određene granice da raspolaže sredstvima u blagajni Udruženja.

član 44

1. Predsjednik Udruženja može vršiti plaćanja iz blagajne Udruženja do visine blagajničkog maksimuma.
2. Za iznose preko blagajničkog maksimuma potrebna je saglasnost Podpredsjednika udruženja.
3. Lica ovlaštena za raspolaganje sredstvima na računu su zajednički Predsjednik i Podpredsjednik udruženja.

**11. POSLOVNO KNJIGOVODSTVO I RASPORED VIŠAK I MANJAK SREDSTAVA UDRUŽENJA**

član 45

1. O radu i poslovanju Udruženja vode se poslovne knjige saglasno Zakonu o računovodstvu i Zakonu o finansijskom poslovanju.

**UDRUŽENJE PRIVATNIH  
PREDŠKOLSKIH USTANOVA  
KANTONA SARAJEVO**

2. Udruženje na kraju svake poslovne godine u skladu sa važećim zakonskim propisima sastavlja periodični obračun i godišnji obračun odnosno bilans stanja i bilans uspjeha.

član 46

1. Poslovna godina Udruženja počinje 1 januara, a završava se 31. decembra.

član 47

1. Udruženje pored ostalog svake godine:
  - 1.1. sastavlja godišnji bilans stanja aktive i pasive,
  - 1.2. vrši popis sredstava i izvora sredstava,
  - 1.3. sastavlja i vrši ostale izvještaje u knjigovodstvu.

član 48

1. Utvrđivanje prihoda i rashoda vrši se u polugodišnjim i godišnjim bilansom poslovanja u skladu sa Zakonom.

član 49

1. Po godišnjem obračunu višak prihoda nad rashodima se usmjerava na razvoj Udruženja ili za druge svrhe po odluci Skupštine.
2. Po godišnjem obračunu višak rashoda nad prihodima pokriva Udruženje iz sredstava rezervi.
  
3. Ukoliko u fondu rezervi ne bude dovoljno sredstava za pokrivanje viška rashoda nad prihodima, ili ne bude sredstava u fondu rezervi, razliku solidarno obezbjeđuju članovi udruženja.

**12. OPĆI AKTI UDRUŽENJA**

član 50

1. Akti Udruženja su:
  - 1.1. Statut udruženja
  - 1.2. Pravilnik rada Skupštine,
  - 1.3. Pravilnik rada Nadzornog odbora,
  - 1.4. Kodeks članova Udruženja.

član 51

1. Svi Pravilnici rada i Kodeks članova Udruženja se moraju donijeti u roku ne dužem od šest mjeseci od dana stupanja na snagu ovog Statuta.

**13. JAVNOST RADA**

član 52

1. Podatke i informacije o radu Udruženja u ime Udruženja može davati Predsjednik i Podpredsjednik Udruženja ili drugo lice koje odrede svojom Odlukom.

član 53

1. Predsjednik Udruženja je dužan da na pogodan i prikladan način redovno informiše svoje članstvo i druga zainteresirana lica o radu tijela Udruženja po mogućnosti preko svoje web stranice, ili osiguranjem izlaženja biltena o radu Udruženja i njegovih članova.

**14. ZASTUPANJE I PREDSTAVLJANJE UDRUŽENJA**

član 54

**UDRUŽENJE PRIVATNIH  
PREDŠKOLSKIH USTANOVA  
KANTONA SARAJEVO**

1. Lice ovlašteno za zastupanje i predstavljanje Udruženja prema drugim fizičkim i pravnim licima u cijelini ima Predsjednik Udruženja s ograničenjima određenim prelaznim i završnim odredbama ovog Statuta.

**15. PRELAZNE I ZAVRŠNE ODREDBE UDRUŽENJA**

član 55

1. Udruženje prestaje sa radom na osnovu odluke nadležnog državnog organa Bosne i Hercegovine.
2. Udruženje prestaje sa radom na osnovu odluke Skupštine ukoliko za nju glasa min. 80% osnivača i 80% članova.
3. Dio udruženja prestaje sa radom na osnovu odluke Predsjednika i Podpredsjednika udruženja.

Član 56

1. Svi članovi rukovodnih organa odgovaraju solidarno za štetu koju svojom odlukom prouzrokuju ako je ta odluka donesena grubom nepažnjom ili s namjerom da se šteta prouzrokuje.
2. Lica iz stava 1. ovog člana ne snose odgovornost za štetu ako su bila protiv donošenja odluke i ako su izdvojila svoje mišljenje u zapisnik.

član 57

1. Po donošenju odluke o zabrani rada Udruženja imovina istog se poslije podmirenja povjerilačkih obaveza, ravnomjerno djeli članovima Udruženja.

Sarajevo, 11.02.2008 godine

PREDSJEDNIK SKUPŠTINE